

„საქართველოს განათლებისა და მეცნიერების სამინისტროს აპარატის მიერ განსახორციელებელი წლიური საბიუჯეტო კანონით გამოყოფილი ასიგნებებისა და სხვადასხვა მიზნობრივი გრანტების დაფინანსების ფარგლებში ელექტრონული ტენდერების საშუალებით სახელმწიფო შესყიდვების განხორციელების მიზნით მუდმივმოქმედი სატენდერო კომისიისა და სატენდერო კომისიის აპარატის შექმნის შესახებ“ საქართველოს განათლებისა და მეცნიერების მინისტრის 2017 წლის 4 დეკემბრის N1065 ბრძანებით შექმნილი სატენდერო კომისიის სხდომის

ო ქ მ ი N1

ქ. თბილისი

17 აპრილი, 2018 წელი

ქეთევან ნატრიაშვილი - მინისტრის პირველი მოადგილე, კომისიის თავმჯდომარე;

მამუკა ბერიძე - ეკონომიკური დეპარტამენტის უფროსის ფუნქციათა შემსრულებელი, კომისიის წევრი;

ლალი კალანდაძე - ზოგადი განათლების მართვისა და განვითარების დეპარტამენტი უფროსი, კომისიის წევრი;

მარიამ ტაბატაძე - საბიუჯეტო სამმართველოს უფროსი, კომისიის წევრი;

გიორგი შეშაბერიძე - სამართლებრივი ექსპერტიზისა და სასამართლოებთან ურთიერთობის სამმართველოს უფროსი, კომისიის წევრი;

მიხეილ კახნიაშვილი - შესყიდვების სამმართველოს უფროსი, კომისიის აპარატის წევრი;

ნათია ჭიკაძე - შესყიდვების სამმართველოს მთავარი სპეციალისტი, კომისიის აპარატის წევრი.

დღის წესრიგი

საქართველოს განათლებისა და მეცნიერების სამინისტროს მიერ „წარმატებულ მოსწავლეთა წახალისების პროგრამის“ (პროგრამული კოდი 32 02 04) „წარჩინებულ მოსწავლეთა მედლების ქვეპროგრამის“ დაფინანსების ფარგლებში 2016-2017 სასწავლო წელს და წინა წლებში წარჩინებით კურსდამთავრებულთათვის გადასაცემი **ოქროს (მოოქროვილი) და ვერცხლის (მოვერცხლილი) მედლების და მედლის ჩასადები ყუთების დამზადების და მოწოდების** (CPV:18512200) სახელმწიფო შესყიდვის მიზნით, სატენდერო განცხადებისა და სატენდერო დოკუმენტაციის პროექტის განხილვა/დამტკიცება.

მოისმინეს:

სატენდერო კომისიის აპარატმა სატენდერო კომისიას გააცნო საქართველოს განათლებისა და მეცნიერების მინისტრის მოადგილის ქალბატონი ლია გიგაურის მიერ 26.03.2018 წლის №335805 სამსახურებრივი ბარათებით ინიცირებული მოთხოვნა 2016-2017 სასწავლო წელს და წინა წლებში წარჩინებით კურსდამთავრებულთათვის გადასაცემი **ოქროს (მოოქროვილი) და ვერცხლის**

(მოვერცხლილი) მედლების და მედლის ჩასადები ყუთების (CPV:18512200) შესყიდვის საჭიროების შესახებ.

სატენდერო კომისიის აპარატმა სატენდერო კომისია ასევე წარუდგინა ეკონომიკური დეპარტამენტის ბაზრის კვლევის სპეციალისტის 2018 წლის 21 თებერვლის N188599 სამსახურებრივი ბარათი შესყიდვის სავარაუდო ღირებულების დადგენის მიზნით ჩატარებული ბაზრის კვლევის შედეგების შესახებ.

სატენდერო კომისიის წევრებმა განიხილეს ფასთა კვლევაში მონაწილე ორგანიზაციების მიერ შემოთავაზებული პირობები და მიზანშეწონილად მიიჩნიეს ტენდერის სავარაუდო ღირებულებად განისაზღვროს შემოთავაზებული უმცირესი ფასი - 131908.00 (ასოცდათერთმეტი ათას ცხრაას რვა) ლარი, ხოლო მიწოდების ვადად განისაზღვროს 45 სამუშაო დღე.

კომისიამ ასევე იმსჯელა შესყიდვის ობიექტის (ოქროს (მოოქროვილი) და ვერცხლის (მოვერცხლილი) მედლებზე) ექსპერტიზის დასკვნის (შემსყიდველის მოთხოვნასთან შესაბამისობის თაობაზე) წარმოდგენის ვადასთან დაკავშირებით და ლევან სამხარაული სახელობის სასამართლო ექსპერტიზის ეროვნული ბიუროს 25.12.2017წლის N1573493 წერილის საფუძველზე მიზანშეწონილად მიიჩნია ექსპერტიზის დასკვნის წარდგენის ვადად განისაზღვროს 10 სამუშაო დღე.

აპარატის წევრებმა კომისიას წარუდგინეს სატენდერო დოკუმენტაციის პროექტი, ტექნიკური დავალება და ხელშეკრულების პროექტი.

სატენდერო კომისიამ ერთხმად დაადგინა:

1. შესყიდვის სავარაუდო ღირებულებად განისაზღვროს 131908.00 (ასოცდათერთმეტი ათას ცხრაას რვა) ლარით, ბაზრის კვლევაში მონაწილე ორგანიზაციების მიერ წარმოდგენილი უმცირესი ფასის გათვალისწინებით. „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად, ზემოაღნიშნული შესყიდვა განხორციელდეს აუქციონის გარეშე ელექტრონული ტენდერის საშუალებით.
2. მიმწოდებელის მიერ მოწოდებულ საქონელზე კერძოდ: ოქროს (მოოქროვილი) და ვერცხლის (მოვერცხლილი) მედლებზე ექსპერტიზის დასკვნის (შემსყიდველის მოთხოვნასთან შესაბამისობის თაობაზე) წარმოდგენის ვადად განისაზღვროს 10 სამუშაო დღე.
3. შესყიდვის ობიექტის (მედლები და მედლის ჩასადები ყუთები) საგარანტიო პირობები ჩამოყალიბდეს შემდეგი სახით: „შესყიდვის ობიექტზე უნდა გავრცელდეს გარანტია მიღება-ჩაბარების აქტის გაფორმებიდან მინიმუმ 3 წლის ვადით. მიმწოდებელი ვალდებულია საგარანტიო ვადის განმავლობაში საკუთარი ხარჯით უზრუნველყოს წუნდებული საქონლის შეცვლა ახლით, ხარვეზის/წუნის გამოვლენიდან 30 კალენდარული დღის ვადაში.“
4. დამტკიცდეს საქართველოს განათლებისა და მეცნიერების სამინისტროს მიერ ოქროს (მოოქროვილი) და ვერცხლის (მოვერცხლილი) მედლების და მედლის ჩასადები ყუთების (CPV:18512200) დამზადების და მოწოდების სახელმწიფო შესყიდვის მიზნით: სატენდერო განცხადება, სატენდერო დოკუმენტაცია და ხელშეკრულების პროექტი.

5. დაევალოს სატენდერო კომისიის აპარატს უზრუნველყოს სატენდერო განცხადების და თანმდევი დოკუმენტაციის სახელმწიფო შესყიდვების ერთიან ელექტრონულ სისტემაში განთავსება, კანონმდებლობით დადგენილი წესით.

სატენდერო კომისიის თავმჯდომარე:

ქეთევან ნატრიაშვილი

სატენდერო კომისიის წევრები:

მამუკა ბერიძე

ლალი კალანდაძე

მარიამ ტაბატაძე

გიორგი შეშაბერიძე

სატენდერო კომისიის აპარატის წევრები:

მიხეილ კახნიაშვილი

ნათია ჭიკაძე